



Broj: 05/7-50-13-102-120/16

Sarajevo, 15.9.2016.

Z A P I S N I K

20. sjednice Vijeća nacionalnih manjina BiH, održane 15.9.2016.

Sjednica je počela u 17 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Jovanka Manžalović Šalaka, Jakob Finci, Vjeročka Gajić, Todorka Jovanović, Hakan Varan, Silvija Vujović, Marija Grbić, Andrija Svatok, Mladen Radmilović, Tijana Vučurević, Nedžad Jusić, Dejan Piotrovski, Davor Ebner, Eva Pašić Juhas, Velibor Kuvač, Dragan Marković i Halil Bicaj.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice Bosne i Hercegovine, Zoran Brkić, Sektor za odnose s javnošću Sekretarijata PSBiH i Branislava Vignjević, stručna savjetnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno su** usvojili sljedeći

D N E V N I R E D

1. Usvajanje zapisnika sa 18. i 19. sjednice Vijeća nacionalnih manjina BiH.
2. Planiranje posjeta Vijeća nacionalnih manjina BiH u 2016. godini.
3. Odluka o dopuni Poslovnika Vijeća nacionalnih manjina BiH.
4. Razno:
 - Informacija o isplatama troškova za rad Vijeća nacionalnih manjina BiH
 - Informacija o dopisu Agencije za statistiku BiH.

Ad.1. Usvajanje zapisnika sa 18. i 19. sjednice Vijeća nacionalnih manjina BiH.

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. Nije bilo rasprave o navedenoj tački dnevnog reda.

Članovi Vijeća nacionalnih manjina, **jednoglasno su usvojili** Zapisnik sa 18. i 19. sjednice.

Ad.2. Planiranje posjeta Vijeća nacionalnih manjina BiH u 2016. godini.

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Davor Ebner, Jakob Finci, Andrija Svatok, Dejan Piotrovski, Nedžad Jusić, Eva Pašić Juhas, Hakan Varan, Velibor Kuvač, Jovanka Manzalović Šalaka i Todorka Jovanović.

Razmatrajući plan posjete Vijeća u 2016. godini, članovi Vijeća **zaključili** su da je potrebno poduzeti sve aktivnosti s ciljem realiziranja posjete Vijeću nacionalnih manjina u Češkoj Republici u decembru tekuće godine, kao i da se uputi dopis Kolegiju Sekretarijata Parlamentarne skupštine BiH i Misiji OSCE-a u BiH, kojim bi ih obavjestili o planiranoj posjeti i njenim razlozima u nadi da će im pružiti financijsku pomoć kako bi uspjeli realizirati planirano putovanje.

Ad.3. Odluka o dopuni Poslovnika Vijeća nacionalnih manjina BiH.

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Jakob Finci, Velibor Kuvač, Dragan Marković, Nedžad Jusić, Tihomir Knežiček i Andrija Svatok.

Nakon diskusije i obrazloženja koje je dao predsjedavajući Vijeća nacionalnih manjina, Tihomir Knežiček, a vezano za potrebu dopune Poslovnika Vijeća nacionalnih manjina BiH, odnosno člana 10., koji bi se odnosio na opoziv člana Vijeća, Vijeće nacionalnih manjina Bosne i Hercegovine nije podržalo Odluku o dopuni Poslovnika Vijeća nacionalnih manjina BiH.

Ad.4. Razno:

- **Informacija o isplatama troškova za rad Vijeća nacionalnih manjina BiH**
- **Informacija o dopisu Agencije za statistiku BiH.**

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Dejan Piotrovski, Tijana Vučurević, Mladen Radmilović, Jakob Finci, Nedžad Jusić, Jovanka Manžalović Šalaka i Marija Grbić.

S obzirom da je došlo do nesporazuma i da se član Vijeća, Dragan Marković, žalio da nije dobio poziv za predhodnu sjednicu, te da bi se spriječili ovakvi problemi, predsjedavajući Vijeća nacionalnih manjina, Tihomir Knežiček, obavjestio je članove da je pripremljena lista sa **jednom email adresom i brojevima telefona**, kako bi se ubuduće izbjegli problemi vezani za dobijanje poziva za prisustvo sjednici. Članovi Vijeća dali su svoje važeće email adrese i broj telefona kako bi se ostvarila bolja komunikacija između samih članova a i Ureda Zajedničke komisije za ljudska prava.

Takođe je naglašeno da ubuduće ukoliko član Vijeća nije u mogućnosti da prisustvuje sjednici, obavezno obavjesti predsjedavajućeg Vijeća nacionalnih manjina ili Ured Zajedničke komisije za ljudska prava.

- Vezano za Informacija o isplata troškova za rad Vijeća nacionalnih manjina BiH, predsjedavajući Vijeća, Tihomir Knežiček, obavjestio je članove Vijeća, da je obavio razgovor sa rukovodiocem Sektora za finansije, koja je objasnila da je do zastoja u isplati naknada za rad u Vijeću i putnih troškova došlo u tehničkom smislu zbog obima posla, al da će se to ubrzo riješiti.

Takođe je iznio i problem vezano za isplatu naknada za rad u Vijeću, koji se odnosi na dve članice, koje su zaposlene u javnim institucijama, što samim tim zahtjeva održavanje sjednica iza 17. sati, ali se nada da će se i za to uspijeti naći rješenje.

- Što se tiče Informacije o dopisu Agencije za statistiku BiH, donesena je odluka da se napiše novi dopis Agenciji za statistiku BiH u kojem će se tražiti da se Vijeću nacionalnih manjina BiH dostave traženi podatci kada budu objavljeni, kao i 20 kopija knjige „STANOVNIŠTVO - etnička / nacionalna pripadnost, vjeroispovijest, maternji jezik“, koja će biti publikovana u septembru 2016. godine.

Na kraju sjednice predsjedavajući, Tihomir Knežiček dao je riječ Želimiru Laliću, predstavniku Ministarstva za ljudska prava i izbjeglice BiH, koji je upoznao članove Vijeća nacionalnih manjina sa aktivnostima Ministarstva za ljudska prava i izbjeglice BiH.

Sjednica Vijeća nacionalnih manjina BiH završena je u 18.30 sati.

Sastavni dio ovog zapisnika je tonski snimak 20. sjednice Vijeća nacionalnih manjina BiH.

Predsjedavajući Vijeća nacionalnih manjina BiH
prof. dr. Tihomir Knežiček